



Broj: 05-1-07-1-590-2/12
Sarajevo, 03.08.2012. godine

Na osnovu člana 1.5 stav (4) i člana 2. stav (6) Pravilnika o načinu provođenja izbora u diplomatsko-konzularnim predstavništvima Bosne i Hercegovine („Službeni glasnik BiH“, br. 63/10 i 71/10), Centralna izborna komisija Bosne i Hercegovine je na 44. sjednici, održanoj 03.08.2012.godine, donijela

ODLUKU

- (1) Centralna izborna komisija Bosne i Hercegovine neće organizovati glasanje u diplomatsko-konzularnim predstavništvima u inostranstvu za Lokalne izbore 2012. godine za državljane BiH koji su se prijavili za glasanje lično u diplomatsko-konzularnim predstavništvima u BiH.
- (2) Ova odluka stupa na snagu narednog dana od dana objavljivanja u „Službenom glasniku BiH“, a objavit će se i u „Službenim novinama FBiH“, „Službenom glasniku RS“, „Službenom glasniku Brčko Distrikta BiH“ i web stranici Centralne izborne komisije BiH www.izbori.ba.

Obrazloženje

Odlukom Centralne izborne komisija Bosne i Hercegovine broj: 05-1-07-1-590-1/12 od 07.05.2012. godine utvrđen je plan organizovanja glasanja u diplomatsko-konzularnim predstavništvima Bosne i Hercegovine navedenim u stavu 1. dispoziva odluke. Članom 3. navedeno odluke je propisano da će Centralna izborna komisija Bosne i Hercegovine, nakon isteka roka za registraciju birača koji se registruju za glasanje u diplomatsko-konzularnim predstavništvima BiH (DKP BiH), donijeti konačnu odluku o DKP BiH u kojima će biti organizovano glasanje.

Nakon isteka roka za registraciju birača za glasanje u DKP BiH, Centralna izborna komisija je analizirajući ukupan broj birača registrovanih za glasanje u DKP BiH, utvrdila da nije prijavljen dovoljan broj navedenih birača.

Naime, članom 2. stav (4) Pravilnika o načinu provođenja izbora u diplomatsko-konzularnim predstavništvima Bosne i Hercegovine je propisano da Centralna izborna komisija Bosne i Hercegovine određuje biračka mjesta za glasanje u DKP-ima BiH prema broju birača upisanih u Centralni birački spisak za glasanje van Bosne i Hercegovine, a koji su registrirani za glasanje lično u DKP-ima BiH, i to najmanje 50 birača, a iz opravdanih razloga može se donijeti odluka o glasanju u DKP-u gdje je prijavljen i manji broj birača.

Obzirom da nisu ispunjeni uslovi iz člana 2. stav (4) navedenog Pravilnika, za glasanje lično u diplomatsko-konzularnim predstavništvima BiH, jer se nije prijavio dovoljan broj birača upisanih u Centralni birački spisak Bosne i Hercegovine za glasanje van Bosne i Hercegovine, Centralna izborna komisija Bosne i Hercegovine je na osnovu člana 1.5 stav (4) Izbornog zakona BiH odlučila kao u dispozitivu ove odluke.



Zamjenjuje predsjednika

Irena Hadžiabdić, član